

Kantonalno javno komunalno preduzeće
„GRADSKI SAOBRAČAJ“ d.o.o. Sarajevo
ul Srđana Aleksića br 1, 71000 Sarajevo

UPAVA PRERDUZEĆA

Broj: 04/493
Datum: 11-10-2024

Na osnovu člana 64. stav (1) tačka b), člana 69. stav (1) tačka a), člana 70. stav (1), (3) i (6) Zakona o javnim nabavkama BiH („Službeni glasnik BiH“ broj 39/14, 59/22 i 50/24), člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, nakon provedenog postupka javne nabavke pute Konkurentskog zahtjeva za dostavljanje ponuda, za javnu nabavku roba; „ LOT 2059 - Niskonaponske sklopke, kontakteri, osigurači, grijači “, Obavještenje o javnoj nabavci broj: 257-7-1-28-3-140/24, objavljeno na Portalu javnih nabavki dana 9.05.2024 godine, sažetak Obavještenja objavljen u „Službeni glasnik BiH“ broj: 32/24, od 10.05.2024. godine, na preporuku Komisije za javnu nabavku broj: 7102 i Prijedlog Komisije iz Zapisnika o pregledu i ocjeni ponuda nakon E-aukcije broj: 7102/2, od 25.07.2024. godine, **Uprava preduzeća donijela je:**

ODLUKU

o izboru ponuđača za javnu nabavku roba:

„ LOT 2059 - Niskonaponske sklopke, kontakteri, osigurači, grijači “

Član 1.

Prihvata se Preporuka Komisije za javne nabavke broj: 7102, od 25.07.2024. godine i Okvirni sporazum za nabavku roba: „LOT 2059 - Niskonaponske sklopke, kontakteri, osigurači, grijači “, na period od 1 (jedne) godine, dodjeljuje se ponuđaču „INTER-COM“ d.o.o. Zenica, ul. Vrandučka 71B, 72000 Zenica, na osnovu ponude, koverta broj: 5100, od 27.05.2024 godine, nakon provedenog postupka nadmetanja putem E-aukcije, pod slijedećim uslovima:

- | | |
|----------------------|--|
| (1) Ponuđena cijena: | 10.484,50 KM bez PDV-a odnosno 12.266,87 KM sa PDV-om |
| (2) Rok plaćanja: | do 60 dana od dana prijema fakture |
| (3) Rok isporuke: | 15 dana od dana prijema narudbe |
| (4) Kvalitet: | u skladu sa zahtjevima iz obrasca Tenički podaci i elementi ponude |
| (5) Garantni rok: | 1 godina od dana isporuke robe |

Član 2.

Okvirni sporazum za isporuku robe će se dostaviti na potpis izabranom ponuđaču „INTER-COM“ d.o.o. Zenica, ul.Vrandučka 71B, 72000 Zenica, nakon prijema Odluke o izboru ponuđača u skladu sa članom 98. stav (1) Zakona o javnim nabavkama.

Član 3.

Ponuda ponuđača „INTER-COM“ d.o.o. Zenica, koverta broj: 5100, od 27.05.2024 godine, pobježe opisana u članu 1. ove Odluke, proglašava se kvalifikovanom i prihvatljivom, u skladu s kriterijem za dodjelu Okvirnog sporazuma „Najniža cijena“ prihvatljive ponude.

Član 4.

Ova odluka stupa na snagu danom potpisivanja i bit će objavljena na službenoj web-stranici Ugovornog organa, www.gras.ba, u skladu sa članom 70. stav (6) Zakona o javnim nabavkama.

Obrazloženje

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je u skladu sa odredbama Zakona o javnim nabavkama BiH („Službeni glasnik BiH broj 39/14, 59/22 i 50/24), Odlukom o pokretanju postupka javne nabavke broj: 04/105, od 12.04.2024. godine, pokrenuo konkurentni zahtjev za dostavljanje ponuda javne nabavke, za nabavku roba: „ LOT 2059 - Niskonaponske sklopke, kontakteri, osigurači, grijači “.

Planirana vrijednost javne nabavke u Planu nabavke roba, usluga i radova KJKP „Gradski saobraćaj“ za 2024. godinu, dio robe, redni broj: 88., iznosi **10.485,80 KM bez PDV-a**.

Okvirni sporazum se zaključuje na period od 1 godine, sa jednim ponuđačem.

Obavještenje o javnoj nabavci broj: 257-7-1-28-3-140/24, objavljeno na Portalu javnih nabavki dana 9.05.2024 godine, sažetak Obavještenja objavljen u „Službeni glasnik BiH“ broj: 32/24, od 10.05.2024. godine.

U skladu sa Članom 16. Zakona o javnim nabavkama predmetni **postupak nabavke nije podjeljen na LOT-ove** jer isti se ne može podijeliti na osnovu objektivnih kriterija, npr. prema vrsti, karakteristikama, namjeni, mjestu ili vremenu ispunjenja.

Prije pokretanja postupka javne nabavke, u skladu sa Članom 14a ZJN, izvršeno je istraživanje tržišta u svrhu pripreme nabavke i mogućnostima nabavke, upućeni e-mail zahtjevi za dostavljanje informativne ponude i svi dokumenti uloženi u predmet nabavke.

Na osnovu Izvještaja o preuzimanju tenderske dokumentacije sa portala E-nabavke od datuma objave do krajnjeg roka za preuzimanje **tendersku dokumentaciju je preuzelo 16 potencijalnih ponuđača**.

Od strane potencijalnih ponuđača **nije bilo postavljanja pitanja**, odnosno nije traženo pojašnjenje tenderske dokumentacije.

Komisija za javnu nabavku imenovana je Odlukom V.D. Generalnog direktora broj: 05/193 od 23.05.2024. godine.

Na protokol Ugovornog organa, u ostavljenom roku za dostavljanje ponuda, **blagovremeno su pristigle 2 (dvije) ponude**, kako slijedi:

- 1) Ponuda ponuđača „INTER-COM“ d.o.o. Zenica, ul.Vrandučka 71B, 72000 Zenica, zaprimljena pod brojem: 5100, dana 27.05.2024. godine,
- 2) Ponuda ponuđača „TRANZIT ELEKTRO“ d.o.o. Zenica, ul. Zmaja od Bosne bb., 72000 Zenica, zaprimljena pod brojem: 5102, dana 27.05. 2024. godine.

U ostavljenom roku za otvaranje ponuda, **Komisija za javnu nabavku (u daljem tekstu komisija) je dana 28.05.2024 godine blagovremeno i pravilno izvršila javno otvaranje dostavljenih ponuda** i sačinila Zapisnik sa otvaranja ponuda, koji je putem e-maila dostavljen ponuđačima koji su dostavili ponude.

Nakon javnog otvaranja **Komisija je, dana 31.06.2024. godine, pristupila pregledu prispjelih ponuda i ocjeni dostavljenih dokumenata - kvalifikacija ponuđača**.

Komisija je nakon pregleda i ocjene ponuda sačinila Zapisnik o pregledu i ocjeni ponude prije E-aukcije broj: 6595, od 9.07. 2024 godine, iz kojeg proizilazi sljedeće:

- Na protokol Ugovornog organa **blagovremeno su pristigle 2 (dvije) ponude** od ponuđača:
 - 1) „INTER-COM “ d.o.o. Zenica, vrijednost ponude 10.484,50 KM bez PDV-a;
 - 2) „TRANZIT ELEKTRO“ d.o.o. Zenica, vrijednost ponude 10.485,80 KM bez PDV-a,
- **nije bilo neblagovremeno zaprimljenih ponuda,**
- tokom pregleda i ocjene ponuda **nije primijenjen institut pojašnjenja** u smislu 68. Stav 3. Zakona,
- **nije bilo uočenih ispravki** u prispjelim ponudama,
- **dostavljene ponude ponuđača ispunjavaju zahtjeve tražene tenderskom dokumentacijom** i Komisija iste cijeni prihvatljivim,
- **nije bilo neprihvatljivih ponuda.**

Cijeneći prihvatljivost i broj prispjelih ponuda **Komisija je konstatovala da postoje uslovi za provođenje planiranog postupka nadmetanja učesnika u postupku predmetne nabavke putem E-aukcije.**

Nakon provedenog postupka nadmetanja učesnika u postupku predmetne nabavke putem E-aukcije, provedene dana 11.07.2024. godine, Komisija je nastavila sa radom i uvidom u Izvještaj o toku i završetku E-aukcije, utvrdila:

- tokom E-aukcije ponuđači „INTER-COM“ d.o.o. Zenica i „TRANZIT ELEKTRO“ d.o.o. Zenica nisu umanjivali svoje početne cijene,

- da iz izvještaja o toku i završetku E-aukcije slijedi rang lista ponuđača - učesnika u postupku e-aukcije:

| Naziv i sjedište ponuđača | Iskazana konačna cijena u nadmetanju putem E-aukcije, bez uračunatog PDV-a (KM) | Umanjenje početne cijene u procentualnim iznosima |
|---------------------------------|---|---|
| „INTER-COM“ d.o.o. Zenica | 10.484,50 KM | 0 % |
| „TRANZIT ELEKTRO“ d.o.o. Zenica | 10.485,80 KM | 0 % |

Komisija je, nakon pregleda i ocjene zaprimljenih ponuda i izvršenog nadmetanja učesnika u postupku predmetne nabavke putem E-aukcije, sačinila Zapisnik o ocjeni ponuda broj 7102/2 i Preporuku za zaključivanje Okvirnog sporazuma broj: 7102 od 25.07.2024. godine, u kojima predlaže da se u skladu s članom 69. stav (1) tačka b) Zakona o javnim nabavkama, u postupku javne nabavke roba: „LOT 2059- Niskonaponske sklopke, kontakteri, osigurači, grijači“, na osnovu kriterija za dodjelu Okvirnog sporazuma „Najniža cijena“, zaključi Okvirni sporazum za nabavku predmetne robe, na period od jedne godine, sa ponuđačem „INTER-COM“ d.o.o. Zenica, čija cijena ponude, bez PDV-a, nakon provedenog postupka nadmetanja putem E-aukcije, iznosi 10.484,50 KM.

Uprava preduzeća je svojim Zaključkom broj 04/464, od 01.10. 2024. godine prihvatila Preporuku Komisije za dodjelu okvirnog sporazuma najpovoljnijem ponuđaču, prethodno pobliže opisanu.

Komisija za javnu nabavku je blagovremeno i pravilno izvršila otvaranje i ocjenu prispjelih ponuda, o čemu je sačinila pripadajuće Zapisnike.

Komisija je u svom radu u potpunosti poštivala Zakon o javnim nabavkama BiH i podzakonske akte i izbor najpovoljnijeg ponuđača izvršen je u skladu sa Zakonom o javnim nabavkama BiH, podzakonskim aktima, internim aktima Ugovornog organa i tenderskoj dokumentaciji.

Izabrani ponuđač je ocjenjen na osnovu kriterija:

➤ **Najniža cijena, kako slijedi:**

| | |
|--------------------------------|---------------------------------------|
| Naziv/ime ponuđača | „INTER-COM“ d.o.o. Zenica |
| Adresa | ul.Vrandučka 71B, 72000 Zenica |
| Ukupna cijena ponude bez PDV-a | 10.484,50 KM |
| PDV | 1.782,37 KM |
| Ukupna cijena ponude sa PDV-om | 12.266,87 KM |
| Način plaćanja : | Do 60 dana od dana po prijemu fakture |
| Kvalitet: | Kao u tehničkim elementima ponude |
| Rok isporuke | 15 dana od dana dostave narudžbe |
| Garantni rok | 1 godina |

Na prijedlog Komisije za javnu nabavku, prema utvrđenom kriteriju „Najniža cijena“ ocjenjeno je da je u predmetnom postupku nabavke roba „LOT 2059 - Niskonaponske sklopke, kontakteri, osigurači, grijači“ ponuda ponuđača „INTER-COM“ d.o.o. Zenica kvalifikovana ponuda i prihvatljiva za ugovorni organ.

Iz navedenih razloga, primjenom člana 64. stav (1) tačka b) Zakona o javnim nabavkama BiH, te člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, odlučeno je kao u članu 1. ove odluke.

POUKA O PRAVNOM LIJEKU

U skladu sa odredbama člana 101. stav (5) tačka c) Zakona o javnim nabavkama („Službeni glasnik BiH“, broj: 39/14, 59/22 i 50/24), u daljem tekstu Zakona, protiv ove odluke može se izjaviti žalba Ugovornom organu, koja treba biti sadržana u skladu sa odredbama člana 105, Zakona, u roku od 5 (pet) dana od dana prijema ove odluke.

Shodno odredbama člana 100. Stav (3) Zakona, ako u roku za izjavljivanje žalbe nije dostavljen dokaz iz člana 105. stav (1) tačka i) zakona o plaćenju naknadi za pokretanje žalbenog postupka, u iznosu propisanom članom 108. zakona, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žalioca na dopunu ili ispravak.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Za Ugovorni organ
V.d. Generalni direktor

Mr. Senad Mujagić

Dostaviti:

1. „INTER-COM “ d.o.o. Zenica, ul.Vrandučka 71B, 72000 Zenica
2. „TRANZIT ELEKTRO “ d.o.o. Zenica, ul. Zmaja od Bosne bb.,
72000 Zenica
3. UPRAVA PREDUZEĆA
4. Odjeljenje javnih nabavki (u spis)
5. ~~Odjeljenje javnih nabavki~~
6. Interna revizija
7. Arhiva